

莆田水利志

序

蓬巷掘門甕牖捲樞之士囿於耳目之所見故鄉邱壑茫然莫辨其無足傳信也固宜乃一二淹博通才於生長之區記載亦缺焉從略甚矣著述之難而沿流討源之尤非易事也莆邑當下游要衝傍溪塍海受永春德化仙遊三百六十澗之水分別流派以資灌溉莆民安居仰賴食其利而莫知所由興獨春溟陳大令負一邑

莆田水利志

卷一

三

衆望慨然以修廢興頽為已任填築磯堤疏通涵實工程諳熟累著成效所撰有莆田水利志一書條分縷析取前人傳記類附其下而木蘭陂以曾奉委任督修其成功難者其立言倍切故是書於陂事獨詳夫士君子得尺寸之柄於閭閻義舉稍有所濟輒能致衢歌巷誦傳播不衰矧開渠築堰挹彼注茲使膏腴數十萬畝不至有旱乾水潦之虞而又考前言好已見筆於

書以示來者其功德所及可限量歟不濟一時當濟一方非得范文正公之遺意歟鄉先生歿而可祭於社者不在斯人其誰歟余自癸亥迄丙寅兩權興篆雖不及見大令之面而年來修瀨溪橋木蘭陂頽址探討詢問於大令之功之嘖嘖人口者耳熟能詳今臘余將返泉任迫於瓜代之期其孫奮孫係郡試所取士以是書請序於余余既深悉大令之殫心瘁力大有造於

蒲尤望其孫克繩祖武讀是書而穆然於弓冶箕裘之舊以世守不替也是為序

賜進士出身知興化府事前陝西道監察御史金華

章倬標拜撰



序


天地有自然之利不知所以裁制之則利不興即知所以裁制而不得其人與不得其法以區畫之則利仍不興顧法因人而立利以法而成是非筆之於書則人往而法亦隳泐隳而利亦廢欲求其歷久而不變也難已蒲邑地處下游幅頓遼廓然皆傍山膝海土性鬆浮十日不雨則苦旱五日淫霖則苦潦不有陂隄之蓄洩則乾澇悉聽諸雨暘甚非便民之道此

春濱陳大令所為汲汲以興修水利為要圖而亟思立言以垂永久也余以丁卯冬來守荔城適前任白海仙先生議修新豐永豐二埭旁及江口頂岑頭宗祥子獻卓埭溪仔各埭海隄工程未竟遽歸道山余蒞任伊始即接手興修幸於次年秋一律告竣今復擬勘修東角遮浪頽趾探訪所及被大令之澤者咸嘖嘖稱誦弗哀所謂功德在人梓桑矜式者非耶抑余聞之蒲邑水道發源於永春德化僊游三州縣

滙三百六十澗之水以注於海昔人於木蘭山下建
陂築隄分流別派以資南北洋田疇之灌溉厥利甚
溥特歲遠年湮漸即頽圯而大令獨慨然興修復之
思始修南安太平二陂繼復奉委督辦木蘭要工竭
慮殫精不擾而事集且出其緒餘輯古近成效纂著
陽水利志八卷縷晰條分瞭如指掌俾資官斯土者
之攷鏡烏虜大令之用心亦良苦矣夫農先八政所
望其致力田功民有四生莫重於興修水利古之陂

渠溝洫澮遂瀦防各載其名垂為良法簡策昭昭固
可考已今觀是書深切著明委曲詳盡洵足攷成憲
而垂永圖守土者誠取而觀之亦治莆之一助也令
姪問序於余余既嘉大令之垂法以利民且以得睹
斯編為快不敢以不文謝爰贅數語弁諸簡首是為
序

己巳仲春津門蓉軒張夢元



序


自古賢知之士為民捍患興利其遺迹往往而在余
守興安四閱月值亢旱親赴各鄉勘水道至木蘭陂
見陂隄井井水循故道詢諸父老咸嘖嘖頌 陳大
令功德不衰心竊佩之越數日邑中廣文陳君清傑
以莆田水利志來曰願為之序余發書觀之分圖說
水道陂塘隄防祠祀章奏公牘傳記八門文凡十數
萬其作而名者即 春溟陳大令也范文正公謂滕

子京百廢具舉建隄其一也夫隄不建則水不理水
不理則田不利而 大令以修廢興頽為己任築隄
以資田疇之灌溉且恐其事之久而湮也筆之於書
以為後世法民到于今受其賜鳴虜 大令莆人略
施其餘以利及物遂大有造於莆使當時得顯用之
其造福於蒼生者可以數計哉至水利之源委與修
隄之始終條分縷晰具詳於書毋須余多贅贊也
大令文孫茂才名奮孫余課興安書院所取士也詩

有之昭茲來許繩其祖武余既景慕 大令之功尤
厚望於其孫也夫是為序

同治八年十二月朔旦

賜進士出身知興化府事前禮部郎中乙丑會試同
考官記名御史翰林院庶吉士東萊林慶貽拜撰



曰叙

莆田介福泉之間西北依山厥田環山傍溪東南距海厥
山背山膝海其中延壽木蘭二溪與海潮相出入鹽淡不
分沙泥膠成平壤短長相覆將四十里惟蒲生之謂之蒲
田後乃去水為莆焉唐長官吳興始隄延壽杜塘而開北
洋觀察使裴次元復隄東角遮浪而開南洋延壽之築瀦
溪水通溝東角之築以之障潮瀦潦水於塘而已宋岐王
陳洪進陂南安知軍劉諤陂太平皆遏北菽蘆溪之水一
溉九里洋在北洋之北一溉與教里環山之田餘流入北
洋之溝又延壽之上截為便華陂溉尊賢里高地至宋熙

莆陽水利志

卷一

九

甯間侯官李者李宏乃奉詔陂木蘭以溉南洋蓋功之成
最難故築最多而灌田最多元總管郭朶兒張仲儀分之
以濟北洋而下延壽水於望江自是舟楫相通田疇相望
風景不亞江南明初江夏侯周德興以平海莆禱備倭築
城而拆東角遮浪石隄隄僅土築潮乃為患加之溝渠湮
塞涵竇走漏雖逐時補救然漸失前人遠大之謨矣嘗謂
莆之水利始於唐盛於宋大備於元至明而壞以迄於今
詎可緩圖者池養服官畿輔道光元年奉外諱旋里為鄉
人修太平南安二陂太平之陂竭慮為之南安則僅能了
事復砌杭頭之隄值總督孫文靖公堅意興修木蘭水利

府憲稟奏委任於是修陂濬渠築堰建塘填磯經理南洋凡四歲淘溝障溪整頓北洋逾一載蓋自道光六年至十年糜制錢十數萬鎰得觀厥成苟非持以大力及時而為則溪水不入溝海潮屢上田膏腴不仍為棄地耶厥後東角遮浪磊水埤搜漏穴寶勝溪障兩岸挖沙石延壽屢設防旁及新浦西利下江頭之泄下江頭橋堦之圍而難緩當圖者則南洋之橫山北洋之荔浦月峯亟宜填磯又南洋溪泉頭以下北洋南箕以下凡十數處應填又東角之東宜接築石隄址以亂石遮浪之西宜接築石隄又東山土名龍脰地面宜隄以石又南洋上段溝宜再濬以所

蒲陽水利志

卷一

十

蔓省繁複所錄前人文字或篇去其段其句或句減其字然不敢窳易加增失傳信之義志分圖說水道陂塘隄防祠祀章奏公牘傳記八門文凡十數萬良有司誠取而觀之亦可知水利之關係莆田勦修不易而加意修葺矣若孫文靖公之大有造於我莆東角已建廟所當呈官

奏請

朝廷俎豆千秋不宜如郭張二公之功在北洋不知所報且久而忘之也書成二十年乃自刪定因弁以叙咸豐元年冬十月既望莆田陳池養

蒲陽水利志

卷一

十



陳池養編

圖說

水道

陂塘

溝渠斗門涵洞附

隄防

祠祀

章奏

公牘

傳記

雜識附

莆陽水利志

卷一

十一

凡例

一書志水利故於水特詳而山從畧

一莆田水利莫大於南北兩洋瀨溪匯永春德化仙遊

三州縣諸水至城西南十里木蘭山下截為陂專漑

南洋兼及北洋其利最溥故首及之漁滄溪匯仙遊

興泰里莆田常泰里諸水至府城北七里延壽村引

漑北洋故次及之其上流截為使華陂漑尊賢里沿

山高地附焉北菽蘆溪在府東北山內匯廣業里諸

水先截為太平陂漸興教里沿山高地餘流入溝助

漑北洋下流為迎仙溪於江口山內截為南安陂漑

莆陽水利志

卷一

十一

九里洋以次而及其溝圳斗門涵洞各附本陂之下

一雜陂堤先溪頂及南洋沿山以其水入木蘭溪或入

南洋之溝也並及壺公山南醴泉忠門平海以其毗

附南洋也次及附城及城東北沿山以水入北洋之

溝也次及常泰里山內則延壽陂上流也次及廣業

山內並及待賢待賓二里沿山而境內之水利畢舉

矣所載沿原達委可溯流而知陂堤所在其曾經爭

競者詳稽本末以備考證

一南北二洋及九里洋俱係睦海為田隄防最要東角

遮浪尤當東北海潮之衝關係全洋農田民居此尤

孫文靖以大力造隄為莆百世利故詳志本末
 一木蘭陂李長者錢女延壽陂吳長官太平陂劉曾諸
 公俱有廟邀

朝廷祀典南安陂陳岐王方纁使黃方伯亦有廟民間私
 祭惟張郭二公分木蘭以溉北洋通舟楫功德甚鉅
 數百年未議酬報實為缺事又東角遮浪於明代建
 廟祀黃譚二公未幾而頽今於道光七年建塘民免潮
 患安居耕種二十二年始於東角村內建崇報祠擬
 祀孫文靖公及巡撫韓公太守徐公署通判袁公知
 縣王公委員陸公其後廳祀唐裴公明黃譚二公

莆陽水利志

卷一


七

國朝太守蘇公以昭酬報惟孫文靖公為功最大宜公懇
 奏請

祀典以垂久遠

一此次條濬建築工程重大用是全載章奏畧收文檄
 俾後來得有所考又太平南安修陂文卷亦附載
 一前人傳記全錄不致遺佚間有刪削然不敢塗改增
 添一字


全莆水道圖



莆陽水利志

卷一

十五



全莆水道圖說


莆田三面皆山山分三部中部自仙遊縣東北與泰里石所山發脈過何嶺為天壺為龜山為石室彌陀為太平山至郡治北部自興泰里與角山分為九華紫霄尖山囊山諸山環其左南部自仙遊洪山歷長嶺入莆界為石梯為鼓角聳起為壺公山峙其前又分為羊眠石午三台城山天馬五侯赤崎大蚶諸山以入於海山分為三水隨山行亦分三條左自仙遊之興泰里谷目火洋諸溪由九鯉湖入莆境之吾溪東行與南菽蘆溪合又合常泰里諸水為漁滄溪東行為延壽溪亦名延壽

陂分流入溝溉田繞於治之左其右則仙遊縣治之也溪合仙遊諸水入莆為瀨溪木蘭山下橫截為陂入溝溉田環治之東南循壺公山而行大流仍由白湖入海元延祐時於陂左近上開萬金斗門分繞城外與延壽水合中帶平地貫以支海分南北二洋長四十里廣三十里本皆沮洳惟蒲生之得延壽木蘭二水灌溉成桑麻沃壤又莆境東北廣業里山谷重疊其發源石竹者為湘溪下流為若溪與鳳搏吉宦諸溪合於東鎮下流為蘇溪其西赤溪流至赤口又與西杉溪岐山溪大松溪三溪合流由西音至赤口與赤溪合下流為藻湖溪蘇溪藻湖溪至霞溪合流過馬洋合灣溪下流為洙溪匯為北菽蘆溪堰為太平陂退支流入圳環山溉田餘水由漏頭梧塘入溝與延壽水合大流入溪至待賢里合桃源白石諸水為迎仙溪又堰為南安陂退支流入圳通溝溉待賢永豐望江三里田名九里洋大流仍入溪合待賢里之蒜溪入海海潮入境凡四道一自黃竿而入西行由白湖抵木蘭陂下入各港浦長四十餘里水多曲折舊號羊腸南北洋隨處隄防一分抵頭港兩岸亦隄防一自碧頭抵迎仙港一自繫蓼繞壺公諸山外抵仙邑之楓亭太平港及雙溪港

木蘭陂圖

莆陽水利志 卷一

六



莆陽水利志 卷一

五

木蘭陂圖說

仙遊諸溪澗水由莆入海海潮由黃竿溯流而上溪海
 鹽淡不分宋治平間長樂錢氏女始於培林將軍灘堰
 溪為陂開溝循鼓角山南行溪漲陂敗同邑進士林從
 世復於上杭溫泉口築陂岸高水急亦敗於潮熙寧初
 侯官李長者宏應詔相地木蘭山下為今陂地在錢下
 林上溪廣水漫布石柱三十二間縱橫鈎鎖上下數里
 布長石浪不能齧幹溪流南行為大溝七小溝一百有
 九以分受之長四十餘里廣十餘里創洋城林墩東山
 三斗門洩水入海先是南洋皆斥鹵唐觀察使裴次元



始陸海為田惟恃新塘橫塘陳塘許塘唐坑塘國清塘
蓄水旱無餘潤至是水足田腴填五塘為田畱國清
塘備大旱元總管郭朶兒張仲儀於陂左設萬金斗門
開溝繞莆城與延壽水合而澤及北洋矣

按木蘭陂遏溪通渠以溉南洋水勢滔滔直下北洋
沾餘潤耳舊制三十二陂門閉以木板澇則啓之大
水輒傷人陂亦易壞明通判董彬縣丞葉叔文先後
易以石按水高下為定則以松木為閘澇則水漫而
過畱陂右一門遇漲啓板減流刷沙入海俗呼脫沙
斗門向有閘夫數十年雖澇不啓陂為沙壅遏流入

莆陽水利志

卷一

二十


北洋次入海南陂受水既少又大溝過渠頭壺公山
寶勝溪入之暴雨發漲盪決沙石壅溝成洲木蘭水
屈曲避道而行俗所稱荷包瀨是也嘉慶十四年大
水沙石壅高數尺流不能過又渠頭橋以下大溝二
道一歷金城庵興賢橋坂頂樟橋十餘里要津淤淺
支溝湮塞一歷東臯至橫塘新塘合梁溪之水澗裂
溝淤殆成平壤下游各溝間段淤淺不雨涸可立待
雨多又漫溢官與民屢謀疏濬不成道光五年知府
徐鑑署通判李嗣鄴知縣王廷葵奉 宮保金匱孫
公諭、勘詳倡捐重金出示勸募六年秋侯官縣知

縣袁鴻接署通判復奉巡撫汾陽韓公捐金示諭冬
修陂岸知縣王廷葵親赴南洋督催開溝大溝歸公
重開調夫掘陂口及荷包瀨築寶勝溪三石堰闊寬
溪道所開各溝廢沙挑運棄海堵截山澗裂壞自是
陂流順軌各溝深通水早有備矣

莆陽水利志

卷一

二十一



莆陽水利志

卷一

五

延壽陂圖

莆陽水利志

卷一

五

延壽陂圖說 使華陂附

莆田常泰里莒溪受仙邑九鯉湖之水與南隸蘆溪合
 又匯常泰里諸水為漁滄溪其上隨溪逐節橫截為陂
 過八瀨截為使華陂下流為延壽溪先是溪水由延壽
 出杜塘趨海唐建中時吳長官與滕海為田於杜塘築
 隄遏流南入沙塘坂名延壽陂按陂皆壘石過流延壽無之醜以其堵水通溝而名以陂也
 為巨溝折為股溝凡三派南至蘆浦東南至甯海東北
 至涵江緒水溉田統為比洋尊賢里地高於上游建使
 華陂幹流溉之延壽在下流亦稱使華水又楓溪水由
 淡頭入之太平陂水由漏瀆入之太平莊入之受水雖



多埭田漸闕溪源不及百里節節為陂潦有餘水旱無涓滴楓溪水源更短太平陂遏北菽蘆支流不能多人溝元總管郭彖兒始開萬金斗門總管張仲儀繼之引木蘭水由嶼上歷杭口東埔先溉蕭厝謝厝柳橋亭墩溝下巷至城南轉城東分入各溝復於新港障海通延壽水過涵江溉上下望江先後設蘆浦陳壩新港慈壽四斗門洩水入海

按延壽溪正流直趨潭頭橋歧為二一由白馬廟繞拱辰門至枋尾一由三亭至烏石溝俱與木蘭水合又支流左轉企溪至大洋歧為二一由下南溝出濠

亭至四亭溝下與木蘭水合一由陳塚大溝會楓溪之水東北行歷吳刀呂埭至新港會大平陂之水北過涵江溉上下望江其正流由七星橋歷潭頭橋直趨蘆浦者水勢迅急力能挾沙入海歷年既久下流湮塞上流水急漫過橋上東岸橋因以圯明萬歷間邑人給諫黃起龍修橋砌石隄障溪各八字陂雍正十年隄潰為淵正流改趨涵江沙隨水行陳塚以下溝俱湮塞正流改由下南溝濠亭輒漫溢又木蘭陂水由萬金斗門分流歷嶼一杭口東埔陳塚至城南歧為三一繞城西與北磨溪合一繞城東至枋尾一

由西社梅花亭分入霞墩各溝萬金斗門以下溝道沙淤道光六年南洋開溝導水直下北洋受水不及三分八九兩年俱苦旱 宮保孫公閱兵至莆飭修濬九月間署知府陳鳳翰署通判瑞光集北洋紳士公議詳請示諭知府黃綬誥到任接辦經流四大溝及城濠俱動捐項疏濬並開延壽橋淤塞暨城中河道涵江河道其各支溝分鄉修濬廢沙壓田殆成邱阜知府黃署通判瑞稟蒙檄委候補同知陸我嵩至莆協募其沙礫近海者運棄近山者買地堆積又砌延壽橋上石隄填淵為岸此次北洋工程在東角大


工之後官吏仰體為民興利至意卒使水道順軌蓄洩得宜延壽八字之築尤地脈攸開也

東角遮浪鎮海隄圖

莆陽水利志

卷一

三十三




莆陽水利志

卷一

三十三

東角鎮海隄圖說

莆邑東距海海潮自上下黃竿抵木蘭陂下及各浦港南北兩洋築隄為防始惟洋田有隄今水埠內隄是也亦名老隄後沿海砌築埭田復為隄障之今外隄是也遂分內隄以障清水外隄以障海潮隄有隄戶按田分配每夏間修築以禦秋潮海至三江口以內流分力薄潮勢漸輕隄有潰敗淹沒本埭而已東角遮浪二處當東北大潮之衝地勢卑下無山為蔽八月翻江九月秋濤潮高於田以丈計古有石隄障潮明洪武二十年江夏侯周德興折以築平海莆禧二城隄僅土築洪武三



十年隄壞海水直至壺公山下永樂三年如之屢築屢壞終明世爲莆害惟嘉靖間知府黃一道同知譚鑑築磯殺潮疊石成隄以土附之人稱其功未二十年而壞國初隄棄界外復界未築雍正十三年知府蘇本潔修黃譚二公之迹砌石附土隄長一千一百丈障海墾田乾隆二年報竣十七十九二年海溢隄潰害及全洋後屢敗壞五十九年大壞晚禾絕粒嘉慶間鄉民棄舊址未壞者屈曲爲隄禦潮秋況晝夜防守近年潮勢漸大南洋人以田廬淹沒爲憂道光六年議修陂濬溝東角遮浪以隄告知府徐鑑署通判李嗣鄴知縣王廷葵會勘

莆陽水利志

卷一

三四

詳辦李以憂去侯官縣知縣袁鴻接署冬既開溝次年春宮保金匱孫公巡撫汾陽韓公以隄工緊要具奏檄仿浙江海塘辦法委署福防同知陸我嵩協同募築以七年八月興工八年四月石工竣事計填青龍港五十丈築石隄一千一百十四丈底闊八尺七尺不等面闊四尺高一丈一尺縱橫疊砌灰漿灌滿設東西二石涵以洩埭水知縣王廷葵復督隄戶築土隄一千一百十四丈底闊三丈加盤二丈爲五丈面闊五尺高石隄一尺又築水埭內隄礮清水由斗門入海署通判袁鴻復奉宮保籌款發辦亂石十一萬五千塊坦坡護隄

於壳港添磯規制詳備爲莆人百世之利云
按是隄爲莆南保障事重費絀卒能成功莆之幸也
未動工時大潮壞隄八百丈知縣王廷葵督夫搶築
僅得平穩石隄成而潮愈大道光十二年沿海埭田
淹沒南洋晏然皆嘆頌不置云

莆陽水利志

卷一

三五